

Deftere Bikkon

Don sappina

Inuusa e Liingu Mawndu



Windowo: Edward Hughes

Didowo: Jonathan Hay; Alastair Paterson

Mo'inowo: Mary-Anne S.


Lornowo: The Bible Society of Nigeria

Wanginowo: Bible for Children
www.M1914.org


©2024 Bible for Children, Inc.

Jarfuye: A don mari jarfu windugo mala wurtinugo tariya
ndu nder masin, to na je sippugo.


Duubi duuddi nebude, woodi goddo
mbi'eteedo Inuusa, mo joodi nder leddi
Isra'ila. Nyalaade feere Allah wi'i
mo o njaha Niineba berniwol
mawndu, burda
sembe nder
duuniyaaru.




Be wi'i Inuusa dow o sappana yimbe ngonbe Niineba dow Allah anndi halleende mabbe.



Inuusa dowtanay umroore Allah! Maymako yahuki Niineba, Inuusa nasti komiwal njahata Tarsis berniwol titotiri bee Niineba.




Sey Jawmiraawo Allah leldi heendu saattudum dow mbeela ndin. Woodi naargewol semmbidngol! Laanyoobe ndi kultori komiwal ndin segtoto, muta nder mbeela.




Heendu ndin beddi saatugo. Laanyoobe ben kultori, be ngadi do'a to dowanteebe mabbe, be nguddini donje mabbe fuu nder mbeela ngam hoyniki teddeenga komiwal maajum. Ammaa dum wallay koo dume.




Nder ngonbe dow komiwal maajum, Inuusa on tan ngaday do'a. Ammaa o ton waali daanoya nder komiwal maajum. Mawdo laanyoobe komiwal maajum ngari to maako, yami mo, "Ko ngadayta, a daanoto? Umma, do'ana Allah maada! Ego Allah numan en, ngam taa en halka."




Tikkungel sedfa, laanyoobe maajum tayi haala dow woodi ko hawti torra mabbe bee Inuusa. O yecci be o don dogga yeeso Jawmiraawo. Be yami mo, "Dume min ngadata ma ngam haa mbeela de'ana min?" Inuusa wi'i be, "Koose am sakkinami nder mbeela, ngam mi anndi fakat naargewol semmbidngol ngo'ol ukkani on daliila am."




Laanyoobe ben ngidaa be sakkina Innusa nder mbeela. Ngam maajum be laanyi bee semmbe ngam be lorna komiwal maajum haa foomonde. Ammaa be waawaay. Ko ngadete go'otel tan!




Gada be ngadi do'a yaafoore, laanyoobe ben koosi Inuusa dow, be sakkini mo nder mbeela. Nde Inuusa muti nder ndiyam, sey mbeela de'iti, heendu dari cip. Waylitaade be hebi don e don do hulni laanyoobe ben buri naargewol ndin. Be anndi Allah tan ngadata dum. Ngam maajum nder kulol e kayniki, be rewi Jawmiraawo.




Nder mbeela, lilaado mo dowtaanay umrore on hebi kaayeeffi mangol. O yoofi bandu o don muta nder luggudum mbeela maajum, Inuusa anndi wala ko hisnata mo maayde. O maayoto boo, ammaa Allah woodi goddi dabareji.



Jawmiraawo siriyi liingu majngu, ngu moda Inuusa. Liingu ngu'u ngadi dum nder wakkati! Modande go'otel, Inuusa acci mbeela nasti reedu liingu. Inuusa hoosi balde tati nder reedu liingu ngu'u. O woodi wakkati duuddum ngam o numa, nden boo o ngada do'a.




Balde tati gada don, Inuusa wadi alkawal o dowtanam umroore Allah. Don e don, Allah umri liingu ngu'u, ngu tuuti Inuusa haa foomnde.



Allah yecci Inuusa fahin dow o njaha Niineba, o wa'ajana be wolde Allah. Wakkati do kam, Inuusa njehi! O nasti nder berniwol Niineba, o don bangina, "Nder balde sappande nayi, Niineba halkoto."



Yimbe Niineba nuddini wolde Allah. Be suumi, be borni buhuuje ngam dum holla Allah be wasmiti hakkeji mabbe. Laamiido e hoore muudum lestini hoore maako yeeso Allah. O jippi leeso laamu maako, o borni buhuuje, o joodi nder dodde. O hokki umrore koo moye acca laawol kallungol e kuude kallude mum, be ngada do'a dow Jawmiraawo yaafana be.




15

Allah yaafi be boo! Dum laatan nyalaade seyyo kayniiga nder Niineba, sa'i yimbe hebti Allah yaafi be. Ammaa dum mettani goddo gooto masin. Dum Inuusa!



16

Ko wadi Inuusa mettani? O yecci no Allah dow, "Mi anndi a mardo endam e hinnuye, a tikkataa law, mawdo nder mboodeenga." Dum holli, Inuusa anndi Allah don yaafana be wasmiti hakkeji mabbe d'owtani wolde Allah. Dum holli bana Inuusa yidfaa yimbe Niineba. O yidfaa be yaafanaa be.



17

Inuusa tikkani Allah haa o wi'i mo, "Ittu yonki am, ngam ndikkanammi maayde dow yeeduki."



18

Inuusa wurti yaasi berniwol Niineba, o don reena haa o ngi'a ko Allah wadata fahin. Sey Jawmiraawo Allah fudni lekki e haako gomoodi. Ndu mawni law, ngadani Inuusa dowdi, mabbini mo naange nyalaade maajum fuu.



19


Jaŋngo man, Allah leli ngilngu ngu mbari lekki kin. Nden Allah umri heendu wulndu, semmbidndu, dum wuli Inuusa haa o numi o maayoto. Du'um fuu beddani Inuusa tikkere.



20

Nden Allah yami Inuusa, "A woodi haanere a tikka na? A yurmini lekki ki a torraaki ngam maaki, a mawninaay ki. Ki wangi nder jemmaare woore, ki halki boo nder jemmaare woore. Ngam dume mi

yurminta Niineba,
berniwol mangol
ngo'ol, e yimbe
maari ujineeje?"



21

Inuusa e Liingu Mawndu

Tariya ha nder Wolde Allah, Deftere,

tawama ha nder

Inuusa

"Damugal Wolde Mada don hokka jayngol."
Jaabura 119:130

22

Timminol

26



60

23

Tariya Deftere ndu don wolwina amin do Allah amin je bodfo je taggi amin e je yidi ha en aanda Mo.

Allah aandi min ngadi kujeji kalludum, je O ewnatta hakke. Eltare aybe dum wade, ama Allah yidi ma be gonga e O nelli no Bidfo mako je gooto, Yesu, ha o maya do Gafangal e be elta Mo ngam aybe mada, Nden Yesu finni nder wade e dilli ha saare ha asaman! To a don nuddina Yesu e emmi mo ngam ha O yaffa hakkeji mada, O wadan dum. O waran e O wondan be ma jonta, e a wondan be Mako ha abada.

To a tammi dum gonga, Yeccu do ha Allah: Yesu am, mi don nuddina an woni Allah, e lati neddo ngam mayugo ngam hakkeji am, jonta A don yedda fahin. Useini nastu ha nde jonde am e yafanam hakkeji am, ngam ha jonde am sanja jonta, e yende feere mi wonda be ma ha abada. Wallam ngam hedditugo Ma e yedda ngam Ma bana bidfo Ma. Amina.

Jaangu Deftere e ngewtu be Allah tum tum! Yohonna 3:16

24